

## Šta je porodično nasilje?

Porodično nasilje (Häusliche Gewalt) je nasilje u porodici ili partnerstvu. Ono nanosi fizičku i mentalnu bol. Nasilje u porodici ima različite oblike. U Švicarskoj je nasilje u porodici zabranjeno.

### Šta je porodično nasilje?

Porodično nasilje je nasilje u porodici ili partnerstvu: između oženjenih osoba ili osoba koje su ili su bile par, bez obzira da li žive zajedno. Nasilje između roditelja i djece ili između braće i sestara je takođe nasilje u porodici.

Porodično nasilje može dovesti do psihičkih i psihosomatskih bolesti. Nasilje u porodici naročito ugrožava zdravlje i socijalni razvoj djece. Pogođena su i djeca koja indirektno doživljavaju nasilje u porodici.

### Ko je pogođen?

Svi ljudi mogu biti pogođeni nasiljem u porodici: mladi i stari, ljudi sa i bez švajcarskog pasoša, bogate i siromašne porodice. Mnogi ljudi u Švajcarskoj pate od nasilja u porodici ili u (bivšem) partnerstvu. Važno je da oni koji su pogođeni nasiljem traže pomoć.

### Različiti oblici

Postoje različiti oblici nasilja u porodici: fizički, psihološki, seksualni i ekonomski. Često se istovremeno dešavaju različiti oblici nasilja.

Na primjer: stalno vrijeđanje, zabrana kontakata, zatvaranje, guranje, kontrola, prisiljavanje na seks, uzimanje novca, zabrana učenja jezika, zanemarivanje djece. Prijetnje su takođe nasilje u porodici.

### Porodično nasilje je zabranjeno

Porodično nasilje je zabranjeno. Ono podliježe krivičnom zakonu. Ako policija sazna za nasilje u porodici, mora taj slučaj da istraži. Čak i ako osoba koja je iskusila nasilje to ne želi.

### Pomoć kod Savjetovališta za žrtve (Opferhilfe)

Centar za pomoć žrtvama (Opferhilfe) savjetuje i informira osobe koje doživljavaju nasilje u porodici ili u (bivšem) partnerstvu. Ova pomoć je besplatna. Zajedno sa stručnom osobom možete da planirate sljedeće korake.

Zaposleni podliježu diskreciji. To znači da im nije dozvoljeno da bilo koga informiraju o razgovorima. Takođe ni policiju.



**Više informacija (linkovi, adrese, brošure, informacioni listovi)**

[www.hallo-baselstadt.ch/hr/porodicno-nasilje/sta-je-porodicno-nasilje](http://www.hallo-baselstadt.ch/hr/porodicno-nasilje/sta-je-porodicno-nasilje)